

Կանաչ ծիլեր

«խոսրովի» այրված հատվածներն սկսել են վերականգնվել, և որոշ տեղերում կանաչ ծիլեր են նկատվում: Այդ մասին անտառում դիտարկումներից հետո արձանագրել է ԱՄՆ անտառային ծառայության փորձագիտական խումբը: Անտառային գեներտիկայի մասնագետ Էնդրյու Բաուերն ասել է, թե քամու պատճառով հրդեհը շատ արագ է տարածվել, վնասը եղել է մակերեսային, ծառարմատները պահպանվել են: Նոր, կանաչ ծիլեր կան: Վերականգնման համար միջամտության անհրաժեշտություն կարող է չլինել:



N 34 (682)
15-21.09 2017



ՀՀ ԱՄՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅՈՒՆ
MINISTRY OF EMERGENCY SITUATIONS OF RA
МИНИСТЕРСТВО ПО ЧРЕЗВЫЧАЙНЫМ СИТУАЦИЯМ РА

ՀՀ ԱՄՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՊԱՇՏՈՆԱԹԵՐ

911

Արևմտյանը թերթ

ՄԱԿ-ՀԱՅԱՍՏԱՆ ԶՐԴԵՐԱՅԻՆ ԱՆԿՏԱՆԳՈՒԹՅՈՒՆ

ՄԱԿ-ի զարգացման ծրագրերի երևանի գրասենյակը և ՀՀ բնապահպանության նախարարությունը համաձայնագիր են ստորագրել, որով Հայաստանը կստանա 1 մլն դոլար՝ «Հայաստանում կլիմայի փոփոխության ազդեցության մեղմումն անտառային և դաշտային հրդեհների կառավարման ներուժի զարգացման միջոցով»

ծրագրի իրականացման համար: Այս ծրագրով անտառներում կտեղադրվեն վաղ նախագուշացման և մշտադիտարկման համակարգեր, անտառառնետությունները կհամալրվեն ժամանակակից սարքավորումներով և տեխնոլոգիաներով: Անտառների և դաշտերի միջև բուֆերային

խրամատներ փորելու համար ձեռք կբերվեն տեխնիկական միջոցներ, անտառապահների համար կզնվեն ուսապարկ-պոմպեր, հրդեհամարիչ սարքեր, այլ անհրաժեշտ միջոցներ: Կիրախուսվեն անտառային և դաշտային հրդեհների մեղմման ու կանխմանն ուղղված նորարարական մոտեցումները:

Կարևոր

«ԱՄԻՐԻՏԻ» ՀԱՐՑՈՎ



Էջ 2

ՀԱՏՈՒԿ ԳՈՎԱՏԱՅԻՆՆԵՐԸ



Էջ 3

ՔԱՐԱՐԱՆԻ ՀՓԳ ՀՐԱՄԱՆԱՏԱՐԸ



Էջ 5

ՎԻՍԱԳՐՈՒԹՅՈՒՆ, ԵՐԿՐԱՇԱՐԺԵՐ



Էջ 6



Խնքազրական ԶՐԴԵՐՈՅ ԶՐԴԵՐ

Ամառն անցավ չափազանց շոգ պայմաններում: Օգոստոսին օդի ջերմաստիճանը մի քանի անգամ ռեկորդային եղավ, նաև՝ հրդեհաշատ: Սկզբում «խոսրովն» էր, հետո՝ «Բյուրականը»՝ խտածածկ տարածքներն էլ չհաշված: Ու սպավորություն էր, որ փրկարարները մի ճակատամարտը չավարտած, ուժ ու միջոցներ դեռ չհամալրած՝ նորից մարտի են նետվում: Ու կարծես հրդեհի դեմ այդ թեժ կռիվներում միայնակ են, պաշտպանված չեն: չի գիտակցվում աղետը և անվտանգություն է սերմանվում հրշեջ-փրկարարների աշխատանքի նկատմամբ:

Խիքը օրենսդրական շատ ու շատ բացերի լրացումն է: Ժամանակն է խստացնել պատժամիջոցները: Այդպես է աշխարհի զարգացած երկրներում: Ավելի սերտացնել է պետք ԱԽ-ՏԻՄ գործակցությունը: «Բյուրականի» օրերին քանո ուղեկցությամբ խոշոր հրդեհներ էին Ջաջուռում և Դիլիջանում: Մարվեց արագ ու միասնական գործողությունների շնորհիվ: Ավաղ, Շիրակում փրկարարները մեկը այրվածքներով տեղափոխվեց հիվանդանոց:

Ջյուղերով հանգցնում այրվող խտածածկը: Հրդեհների փորձով և վերջապես EuroFire-ի չափանիշներով բարդ ռեյինֆ ունեցող խտածածկերում հրդեհաշիջումը ջրով խնդիր է: Հարմար են ծառի ճյուղերը, իսկ առավել հարմար սովորական ցախավելն ու հատակի ավելը: Դրանք թեթև են ու չեն հողմեցնում ի տարբերություն չիրկիվող ծածկոցների, շորերի, ծառի ճյուղերի: Մեկ հարվածով շատ տարածք են հանգցնում: Հնարավորություն են տալիս մի քանի փրկարարով մարել 1 կմ-ից ավելի կրակե գիծ:


Հարցնում են ինչո՞ւ մարված անտառը օր հետո նորից վառվեց, ինչո՞ւ ԱԽ-ը չհետևեց, որ չբռնկվի: Ու նույն լրատվամիջոցը կարող չէ գրելու թաքնված ծխացող օջախների մասին, չգիտե, որ մարված անտառում, եթե 1000 աչք էլ հետևի, միևնույն է, արևի ջերմությունից հրդեհի վտանգը կա:

Հարցնում են ինչո՞ւ են շատացել հրդեհները: Բազմիցս ենք մշել՝ անտառային հրդեհների առաջացման պատճառը մարդկային անզգուշությունն է, փնթիությունը: Անտառների, չոր խտածածկ տարածքների հրդեհային անվտանգության երաշ-

Հարցնում են, ինչո՞ւ են ծառի ճյուղերով հանգցնում այրվող խտածածկը: Հրդեհների փորձով և վերջապես EuroFire-ի չափանիշներով բարդ ռեյինֆ ունեցող խտածածկերում հրդեհաշիջումը ջրով խնդիր է: Հարմար են ծառի ճյուղերը, իսկ առավել հարմար սովորական ցախավելն ու հատակի ավելը: Դրանք թեթև են ու չեն հողմեցնում ի տարբերություն չիրկիվող ծածկոցների, շորերի, ծառի ճյուղերի: Մեկ հարվածով շատ տարածք են հանգցնում: Հնարավորություն են տալիս մի քանի փրկարարով մարել 1 կմ-ից ավելի կրակե գիծ:

Հարցնում են, ինչո՞ւ են ծառի ճյուղերով հանգցնում այրվող խտածածկը: Հրդեհների փորձով և վերջապես EuroFire-ի չափանիշներով բարդ ռեյինֆ ունեցող խտածածկերում հրդեհաշիջումը ջրով խնդիր է: Հարմար են ծառի ճյուղերը, իսկ առավել հարմար սովորական ցախավելն ու հատակի ավելը: Դրանք թեթև են ու չեն հողմեցնում ի տարբերություն չիրկիվող ծածկոցների, շորերի, ծառի ճյուղերի: Մեկ հարվածով շատ տարածք են հանգցնում: Հնարավորություն են տալիս մի քանի փրկարարով մարել 1 կմ-ից ավելի կրակե գիծ:

Գագիկ ԵՂՅԱՆ



Համաժողով

Հոկտեմբերի 11-13-ը երևանում կանցկացվի «Դիմակայունության բարձրացում կայուն զարգացման նպատակով» խորագրով միջազգային համաժողովը, որին կմասնակցի եվրոպական և ասիական մոտ 20 երկիր: Սա նշանակում է, որ աղետների ռիսկի նվազեցման ուղղությունը զարգացնելու հարցում Հայաստանը դառնում է նախաձեռնող երկիր: Առավել մանրամասն մեր թերթի հաջորդ համարում:

Սեպտեմբերի սկզբին տեղեկացրել ենք, որ օգոստոսի 28-ին «Նաիրիտ» գործարանում բռնկված հրդեհի հաջորդ օրը ԱՆ նախարար Դավիթ Տոնոյանը աշխատանքային խորհրդակցություն էր անցկացրել միջազգային կառույցների ներկայացուցիչների հետ:

Քննարկվել է գործարանից եկող քիմիական և էկոլոգիական ռիսկերի, բնակչության և շրջակա միջավայրի վրա հնարավոր բացասական ազդեցության գնահատման հարցերը միջազգային փորձագետների օգնությամբ լուծելու խնդիրը: Միջազգային կառույցների ներկայացուցիչներն ասել էին, որ պատրաստ են հնարավոր բոլոր միջոցներով աջակցել ԱՆ նախարարությանը:

ԱՆ արտաքին կապերի վարչության պետ Մարիամ Գևորգյանից տեղեկացանք, որ Միավորված ազգերի կազմակերպության մարդասիրական հարցերի համակարգման գրասենյակի (UN OCHA) և Արտակարգ արձագանքման համակարգող եվրոպական կենտրոնի (ERCC) եվրոպական համաձայնագրի քաղաքացիական պաշտպանության և մարդասիրական օգնության ծրագրերի ECHO, ցանցի օղակ) աջակցությամբ սեպտեմբերի 11-ին Հայաստան է ժամանել երեք փորձագետ:

Վիլիամ Կուզ Մոռեյ՝ թունավոր նյութերի և քիմիական, կենսաբանական, ճառագայթային, միջուկային CBRN տեխնիկական

«ՆԱԻՐԻՏԻ» ՀԱՐՑՈՎ

Միջազգային փորձագետները՝ երևանում

խորհրդատու (Շվեյցարիա), Քրիստոֆ Լիբոն Փարիզի հրդեհային բյուրոյի թունավոր նյութերի և քիմիական, կենսաբանական, ճառագայթային, միջուկային CBRN տեխնիկական խորհրդատու (Ֆրանսիա),

Մալվիանա Յոզեմ շրջակա միջավայրի ինժեներ (Շվեդիա): Փորձագետները հանդիպել են նախարար Դավիթ Տոնոյանին, եղել «Նաիրիտ» գործարանում, գրուցել գործարանի տնօրենի հետ: Փորձագետներին է ներկայացվել նրանց հետաքրքրող ամբողջ տեղեկությունը. գործարանի պատմություն, հրդեհից հետո ստեղծված իրավիճակ, հրդեհից այրված պահեստարանների վիճակ, գործարանում պահվող նյութերի տեսակներ և այլն:

Հաջորդիվ փորձագետները կուսումնասիրեն մեր օրենսդրական դաշտը (քիմիական նյութերի և քափոնների պահպանում, իրացում, չեզոքացում, մարդկանց և շրջակա միջավայրի համար առկա ռիսկեր և այլն), հետազոտություններում կներգրավվեն շահագրգիռ պետական մարմինների ներկայացուցիչներ:

Ուսումնասիրություն-հետազոտությունը կավարտվի սեպտեմբերի 22-ին, որից հետո կներկայացվի խնդրի լուծման առաջարկների փաթեթ:



«Նաիրիտից» եկող ռիսկերը գնահատելու հարցում ներգրավվելու պատրաստակամություն է հայտնել նաև Հայաստանի խմելու ջրի մատակարարման և ջրահեռացման օպերատոր «Վեոլիա Ջուր» ընկերությունը: ԱՆ նախարար Դավիթ Տոնոյանի հետ հանդիպման ժամանակ ընկերության գլխավոր տնօրեն Կրիստիան Լըֆեն ասել է, որ «Վեոլիա Ջրի»

կազմում կան մասնագիտացված ընկերություններ, որոնք կարող են օգտակար լինել: Կողմերը պայմանավորվել են «Վեոլիա Ջուր» ընկերությանը փոխանցել «Նաիրիտի» վերաբերյալ տեղեկություններ, անհրաժեշտության դեպքում ընկերության փորձագետները կգան Հայաստան խնդրի լուծման առաջարկ կազմելու համար: ■

«խտրովի» անտառում թաքնված հրդեհի օջախները դեռ չմարած սեպտեմբերի 3-ին հրշեջփրկարարները նոր ահազանգ ստացան: Հրդեհ էր բյուրականի անտառում: Արագաժողովի մարզային փրկարարական վարչության արագ արձագանքման խումբը մոտեցավ կրակված անտառահատվածին:

Վառվում էր 20 հա չոր բուսածածկ տարածք: Մեկուսացրին կրակը, մարեցին: Հաջորդ օրը ծագեցին հրդեհի նոր օջախներ: Արագաժողովի քամին բորբոքում էր կրակը, գոյացնում նոր օջախներ, մոտենում անտառամտ գյուղերին:

Անտառի քարտեզը

Կրակված անտառից քիչ հեռու տեղակայվեց շտաբ՝ վրանային ճամբար: Հրդեհաշիջումը կորոզիմացնում էին փրկարար ծառայության տնօրեն, փ/ծ գնդապետ Մուշեղ Ղազարյանը, փրկարար ուժերի վարչության պետ, փ/ծ գնդապետ Հովհաննես Եմիշյանը՝ ներգրավելով փրկարարական նոր ուժեր՝ երևանից, Արարատից, Կոտայքից, Արագածոտնից, Արմավիրից ու Գեղարքունիքից, Բյուրականի, Անտառուտի և Օրգովի, Ձորափի գյուղերի բնակիչների, զինվորների: Գործին միացավ փրկարարական ուժերի ընտրանին հատուկ նշանակության փրկարարական աշխատանքների իրականացման կենտրոնը:

Շտաբում տեղամասերի բաժանված անտառի քարտեզն էր: Հրշեջ ամեն խումբ իր տարածքի համար էր պատասխանատու՝ ապահովված ռադիոկապով, ազդակոչ նշանաբանով: Փրկարարների գործը սփռված էր անտառով մեկ: Սկսվեց փրկարարական գործի զօր ու գիշերային թեժ կռիվը կրակի դեմ: Հրդեհը «խտրովին» նման չէր. այնտեղ գիհուտ էր վառվում, կրակը թափանցում էր խիտ տորֆային զանգվածի տակ և գոյացնում միացող, թաքնված հրդեհներ, այստեղ չոր խոտ էր՝ գետնատարած: Բյուրականում փշատերև ծառատեսակները քիչ են, լայնատերևներն են շատ՝ կաղնի, թխկենի, հացենի... դրանք դժվարությամբ են այրվում: Նույնն էր լեռնային լանդշաֆտը, ինչը դժվարացնում էր շիջումը: Բյուրականում էլ աշխատեց ավիացիան: ՊՆ ուղղաթիռը ճշտեց հրդեհի օջախները, տարածում ուղիները, վտանգավոր տեղամասեր իջեցրեց փրկարար-դեսանայինների: Բարձրլեռնային առանձին տեղամասերում շիջում կատարվեց ուղղաթիռով: Օխացող օջախները գտնելու և հրդեհաշիջման եղանակներ ընտրելու համար օդ բարձրացվեց նաև անօդաչու թռչող սարք: Հատուկ լուսավորությամբ կրակի դեմ պայքարը շարունակվում էր նաև գիշերը: Շիջում էին ամեն հնարավոր միջոցներով՝ խոնավ լաթերով, ռետինե մտրակով, ծառի ճյուղերով, փորոզ, քերոզ, կտորոզ գործիքներով: Կրակի տարածումը կասեցվեց նաև բուլդոզերներով՝ ակոսներով կտրելով բոցկտացող դժխտի ճամպարից: Որտեղ կարող էր մոտենալ ամենագնաց հրշեջ մեքենան, կրակը մարվում էր ջրով: Հեթափոխը գեկուցում էր արվածի մասին չհասցրած-չարվածը թողնելով թարմ ուժերով համալրված հաջորդին. ներգրավվում էին նոր հաշվարկներ, օժանդակ տեխնիկա:

ՀԱՅ-ՃԱՊՈՆԱԿԱՆ ԿԱՊԵՐ



Հայ-ճապոնական հարաբերությունների հաստատման 25-ամյակի առիթով այս տարի կազմակերպվելու են մի շարք միջոցառումներ: Այս մասին տեղեկացրել է մեր երկրում ճապոնիայի դեսպան Էյջի Տագուչին: Երկու երկրների միջև դիվանագիտական հարաբերությունները հաստատվել են 1992-ի սեպտեմբերի 7-ին: Հենց տարեդարձի օրը ՀՀ ԱՆ նախարար Դավիթ Տոնոյանը ճապոնիայի միջազգային համագործակցության գործակալության (JICA) Ուզբեկստանի գրասենյակի գլխավոր ներկայացուցիչ Էյջի Ասամիի հետ ստորագրեց «Հակահրդեհային սարքավորումների բարելավման ծրագրի համար» դրամաշնորհի համաձայնագիր՝ 14 մլն դոլար արժեքով:

Իսկ սեպտեմբերի 6-ին Դավիթ Տոնոյանը և Էյջի Տագուչին ՀՀ արտգործնախարարությունում ստորագրել էին նույն ծրագրի հայտագրերի փոխանակմանը կնքվող դրամաշնորհի համաձայնագիրը, ըստ որի՝ ճապոնիան 2015-2016 թթ. Սյունիքի, Լոռու և Շիրակի մարզերի հրշեջ-փրկարարական ջոկատների տեխնիկական վերազինման նպատակով Հայաստանին տրամադրելու է 36 հրշեջ մեքենա և 3 շարժասանդուղք:

Սեպտեմբերի 8-ին ճապոնիայի դեսպան Էյջի Տագուչին պատվոգիր

է հանձնել Լոռու մարզային փրկարարական վարչության Սպիտակի հրշեջ-փրկարարական ջոկատի հրամանատար, փ/ծ փոխգնդապետ Սերոբ Գաբրիելյանին՝ Հայաստանի և ճապոնիայի միջև բարեկամության ու փոխըմբռնման խորացմանը նպաստելու նրա նշանակալի ծառայության համար: «Նման պարզևները միայն գնահատանք չեն, նաև խթանում են մեր բարեկամությունն ու համագործակցությունը: Իսկ այսօր մեր երկու երկրների կառավարությունների համագործակցությունը բարձր մակարդակի վրա է: Այս հարաբերությունները միայն խոսքով չէ, նաև գործով է պարբերաբար հաստատվում»,- նշել է Սերոբ Գաբրիելյանը:

Ի դեպ, երևանում սեպտեմբերի 17-ին նախատեսվում է անցկացնել ճապոնական մարտարվեստի փառատոն, որին մասնակցելու են ճապոնիայից ժամանած կարատեի երկու վարպետ: Հոկտեմբերին երևանում, Էջմիածնում և Գյումրիում կազմակերպվելու է ֆիլմերի փառատոն, իսկ նոյեմբերին երևանում տեղի կունենա ճապոնացի երաժիշտների համերգը: ճապոնիայի դեսպանատունը ՀՀ մշակույթի նախարարության հետ համատեղ համերգ կկազմակերպի նաև Վանաձորում:

Մեր թերթի նախորդ համարում տպագրված՝ Ստեփան Բաղայանի «Արտակարգ իրավիճակների համակարգի ձևավորման ակունքներում» հարցազրույցի շարունակությունը կարող եք ընթերցել առաջիկա համարներից մեկում:



Զորքը

Փրկարարական զորքը շարվեց: Շտաբի հրամանատարությունը շնորհակալություն հայտնեց փրկարարներին անձնուրաց աշխատանքի համար և բոլոր նրանց, ովքեր նպաստ ունեցան դժվարին գործում: Մուշեղ Ղազարյանը հրահանգեց՝ զորքը դուրս է գալիս անտառից, ու քանի որ առաջիկա օրերին օդի ջերմաստիճանի բարձրացում է սպասվում, սահմանվեց հերթապահություն:

2 Այս հրդեհի մարմանն էլ կանավորներ մասնակցեցին: Երևանի բնակիչ Ալեքսան Սամսոնյանը փրկարարներին տրամադրեց իր կվադրոցիկը: Երեք օր նա ջուր էր հասցնում անհաս բարձունքներ, տրակտորին կցված բաքով ճանապարհի բացում ծառերի խիտ սաղարթում, անանջանելի քիտուներում:

Սեպտեմբերի 7-ին հրդեհը մեկուսացվեց: Փրկարարներն անցան հետմարման գործին: Վտանգը մեծ էր, դեռ միտում էին բարերում մխրձված վառվող ծառաբնուները, և քամին, շոգը ծխացող նոր օջախներ էին առաջացնում: Օրվա լույսի հետ երևում էր ծուխը, գիշերվա սառը օդը քնեցնում մխացող կրակը, արևի հետ ծխում ու նորից ուռքի հանում փրկարարներին:

Հատուկ ջոկատը

Սեպտեմբերի 9-ի աղջամուղջին հատուկ փրկարարական ջոկատի հերթափոխը շարժվեց Բյուրական: Օր առաջ էին վերադարձել անտառից: Կատակում էին, չնայած հայացքներում անհանգստություն կար: Մտքով Բյուրականում էին ուզում էին անտառն այլևս անկրակ տեսնել: Շտաբից կապով կանչ էին տվել՝ դեռ մխացող օջախներ կան:

Ջոկատի հրամանատար, փ/ծ մայրի Ջավեն Մելքոնյանի հրահանգով փ/ծ ենթասպա Ջուրաբ Վարդանովը փրկարարական կապույտ Mercedes Benz-ը շարժի դրեց: Բյուրականի վերջին խանութն էր, կանգ առան, քաղցրավենիք, հյութեր, ծխախոտ գնեցին: Անցան Օրդովն ու Անտառնուտը:

Քիչ անց արևի առաջին ճառագայթների մեջ երևաց անտառամիջով ձգվող ճանապարհը: Երկայնքով ISUZU-ներն էին ու դրանց շուրջը բոլորած հերթապահները: 10 տոննանոց հսկաները ջուր էին մատակարարում անենագնացներին: Նոր առաջադրանքի էին սպասում կամ արդեն ստացել, կատարում էին: Mercedes-ը մտավ ճամբար: Եռուզեռ էր, վրաններ, «Ուրալ-կուկեր», ճգնաժամային կառավարման կենտրոնի «911»-ի մեքենաներ: Ռադիոկապը ծվատում էր եթերը: Ճամբարում լարված սպասման իրավիճակ էր:

Ջավեն Մելքոնյանը Հովհաննես Եմիշյանից առաջադրանք ստացավ: Ապարան տանող ճանապարհաբերի անտառախիտ բարձունքներում ծխացող օջախներ դեռ կան: Պետք է մարեին բենզինաշարժիչով աշխատող 25 լ տարողությամբ ուսապարկ-կրակմարիչներով: Ջոկատին կցվեց Ավանի հրշեջ մասի Mercedes Benz Unimog անենագնացը՝ հազար լիտր ու քիչ ավելի ջրատարողությամբ: Ջուրաբ Վարդանովը մեքենան շարժեց սարն ի վեր՝ անենագնացին ընդառաջ՝ հաղթահարելով ծխից սևացած բլուրներ, ձնհալից գոյացած հեղեղատներ: Սևացած բներով կաղնու ծառերը ուրվականների էին նման, մոխրից դուրս ցցված ծառաբներից վերև շոգեխաղված սաղարթն էր խեղճացած, աղերսով դեպի արևը սլացող՝ ապրիլ-գոյատևելու տենչով: Արևոտ, շոգ եղանակ էր, բայց աշխարհը սև էր երևում: Հեռվում Արագածի մարդանման զագաթներն էին հայացքով դեպի մրված անտառը: Անհավատալի էր, սև խոտածածկույթին երևում էին անցած օրերին բլուրներն ակոսած հրշեջ մեքենաների

ՀԱՏՈՒԿ ԶՈՎԱՏԱՅԻՆՆԵՐԸ

Բյուրականի անտառը՝ վտանգի մեջ



անիվների դեղին ժապավենները և այնքան շատ փաթաթված ու խճճված: Ջարմանք էր, այդ ինչպես են կարողացել անցնել ժեռ գառիթափերով: Ու դեպի վեր քամի անգամ ու քամի մեքենա ջուր էր հասցվել անտառափեշերով:

Դեպի ծխացող կրակը

Հատուկ ջոկատայինները գտան իրենց տեղամասը: Վարդանովի մեքենան դիրքավորվեց հարթավայրի մի կետում, որտեղից տեսանելի էին կաղնուտ անտառի բարձունքները: Ծխում էին օջախներ: Ջավեն Մելքոնյանը ջոկատը բաժանեց երկու խմբի: Փ/ծ ենթասպաներ Սամվել Կոլյանը, Գեորգի Մխիթարյանը, Վահե Տեր-Վարդանյանը, Կառլեն Հովհաննիսյանը, խմբի հրամանատար, փ/ծ կապիտան Վարդադատ Սեդրակյանը շարժվեցին դեպի ծուխը:

Անենագնացը բարձրացավ թաքնված կրակին մոտիկ, բայց անկարող էր շատ մոտենալ, վերելքը խիստ դժվարացավ: Լիցքավորվեցին ջրով: Վահեն շալակեց սրակիչը, մյուսը՝ վարորդին օգնելու եկած Նիկողայոս Հայրապետ, թևին առավ ծանր ջրաբաքը: Ծառերի մեջ ծուխը չէր երևում: Հրամանատարը ներքևից ռադիոկապով ուղղորդում էր խմբին: Գտան թաքնված վտանգը՝ միտում էին ծառերից թափված չորուկն ու տերևը: Ջուրը փոշի դարձած իջնում էր կրակին: Տղերը փորում էին հողը ձեռք ու բրիչով, մտնում քարի տակ, հող ու տերև խառնում իրար, մոխրից դարձնում ցեխ, որ էլ չմխա: Դժվար էր ճանապարհը, այրված ծառաբներն ու խիտ քիտուները խանգարում էին շարժին: Հանգստից: Նորից ստուգեցին, փորեցին սևացած քարի խորքերը: Ջուրը կարող էր հասած չլինել քարի մեջ մխրձված ծառաբնուներին: Շարժվեցին, վերևում նոր օջախ կա: Դա էլ մարեցին:

Սամվել Կոլյանը նորը գտավ, բայց ջուրը վերջացավ: Խմբակները Վահե Տեր-Վարդանյանը, կապ տվեց ջուր հասցրեք՝ ասավ: Ջրաբաքը բերեցին: Լիցքավորեցին սրակիչը: Էլի՛ նոր օջախ: Գեորգի Մխիթարյանը փտած, փոքրիկ կոճղերը կտրում էր գետնից, դնում ժեռ քարին ու ջրով մարում, հետո ձեռքով տրորում թեթև հովիկից կայծկլտացող, շիկացած ածուխը: Հետո համբերատար սպասում, հետևում արդյունքին ու կրծքով հարթելով, տրորելով թավուտի դիմադրությունը շարժվում առաջ, նրա հետ Կառլենը Հովհաննիսյան: Վերջին կաթիլն էլ վերջացավ: Նորից կապ տվեցին... Սպասում են ջրին:

Վերևում վերջին օջախը մնաց: Ջավեն Մելքոնյանը տեսնում է ծուխը: Վարդադատ Սեդրակյանին չի երևում օջախը, չգիտե՞ր ո՞ր կողմից մոտենա: Գտավ մխացող հրեշին: Նետվում են առաջ: Այլ օջախներ էլ գտան, կտրվեց ծուխը:

Շրջված անենագնացը

Կեսօրն անց է: Ծուխ չի երևում: Հանգստանալ է պետք ու միաժամանակ սպասել: Ծուխը կարող է էլի կախվել ծառերի վրա: Իջնում են դեպի անենագնացը: Մեքենան կանչով անցել է նոր անտառաբացատ: Նրա հետ է Գեորգի Մխիթարյանը: Հանկարծ լուր տարածվեց՝ մեքենան գառիթափին զլխիվայր շրջվել է: Հասան օգնության: Դիմապակու փշուրներից արձանծորում էր Գեորգիի թևը: Վնասվել էր վարորդ Ավետիք Պողոսյանի ծախ արմուկի հողը:

Երեկոն մոտ էր: Հովհաննես Եմիշյանը Ապարանի հրշեջ ջոկատին հրահանգեց «կունգ» ուղարկել: Վթարված մեքենան դժվար տեղանքից դուրս բերել էր պետք: Օգնությունը եկավ: Պողոսյան ճուպանը կապվեց մեքենային, որ անիվների վրա շրջելիս անենագ-



նացը չգլորվի ծորը: 10-15 փրկարարներ ուղղեցին մեքենան, ճուպանից կապած, դժվարությամբ դուրս բերեցին ուղիղ ճանապարհ:

Լիալուսինը

Պատահարից տղաները տխուր էին, նստած էին դամբարանաբլրի եզրին, երեսները մուր, դեռ «խոտովի» հրդեհից այրված կոշիկներով, լուռ ու ակնդետ, հետախույզի հայացքով սանրում էին անտառի բարձունքները: Ծուխ չէր երևում: Շտաբից սպասում էին հրդեհաչիջման ավարտ-հրահանգին: Հանկարծ ծխանշույլ նկատվեց: Տղերքի հայացքը ծխին էր: Ծուխը երկարեց, մի պահ թանձրացավ, հետո անհետացավ ու էլ չէր երևա: Պահանոցի էր կարծես:

Վկարողցիկով հեռվում երևաց Մուշեղ Ղազարյանը: Ջավեն Մելքոնյանը ներկայացրեց իրավիճակը: Ժխի օջախներ էլ չկան՝ գեկուցեց նրան: Գնդապետը շարժվեց դեպի բարձունքներ՝ անձամբ համոզվելու: Վերադարձավ ուշ: Հրահանգեց վերադառնալ ճամբար: Անփոփիչ խորհրդակցություն էր լինելու:

Շտաբում անտառի քարտեզի շուրջ բոլորած՝ ԱԻՆ-ականները անտառնստեսության, հարակից համայնքների ներկայացուցիչներին ներկայացրեցին արդյունքները, և տրվեց հրդեհաչիջման ավարտ-հրահանգը:

Փրկարարական զորքը շարվեց: Շտաբի հրամանատարությունը շնորհակալություն հայտնեց փրկարարներին անձնուրաց աշխատանքի համար և բոլոր նրանց, ովքեր նպաստ ունեցան դժվարին գործում:

Մուշեղ Ղազարյանը հրահանգեց՝ զորքը դուրս է գալիս անտառից, ու քանի որ առաջիկա օրերին օդի ջերմաստիճանի բարձրացում է սպասվում, սահմանվեց հերթապահություն:

Աղջամուղջ էր: Ջորքը դուրս եկավ ճամբարից: Փրկարարական հատուկ ջոկատը շարժվեց Երևան: Լիալուսինը կախվել էր անտառի գլխին և հավերժական լուռ ժպիտով կարծես զգուշորեն ծխի քուլա էր որոնում:



Մեծամասշտաբ ու բազմազգ

Վարժանքների ծրագրով նախատեսված է ինչպես տեսական մաս՝ քննարկումներ, այնպես էլ գործնական օրվա լույս և մութ ժամերի համար: Վարժանքի տված դասերը դառնում են ուսուցողական նյութ երկրների քաղաքացիական պաշտպանության համակարգերի և փրկարարական ստորաբաժանումների համար:

Սեպտեմբերի 24-30-ը Բոսնիա-Շերցոգովինայում կանցկացվի Հյուսիսատլանտյան դաշինքի՝ ՆԱՏՕ-ի «Աղետների արձագանքման եվրոատլանտյան կենտրոնի» (Euro-Atlantic Disaster Response Coordination Centre՝ EADRCC) կազմակերպած «Բոսնիա-Շերցոգովինա 2017» տարերային աղետների հետևանքների վերացման միջազգային դաշտային վարժանքը: Նման վարժանք կազմակերպվում է արդեն 18-րդ անգամ: Իսկ սեպտեմբերի 17-21-ը Մոլդովայում դաշտային վարժանք կանցկացվի Եվրամիության «Տարերային և տեխնածին աղետների կանխարգելում, պատրաստվածություն և արձագանքում Արևելյան գործընկերության երկրներում» (Prevention, Preparedness and Response to Natural and Man-made Disasters in the Eastern Partnership Countries՝ PPRD East-2) ծրագրի շրջանակներում՝ EU MOLDEX 2017: Հայ փրկարարները կմասնակցեն երկու վարժանքին էլ: Մոլդովա կմեկնի 24 փրկարար, Բոսնիա-Շերցոգովինա՝ 47 փրկարար:

ՀԱՅԱՍՏԱՆԻ ՓՐԿԱՐԱՐՆԵՐԸ ԿՄԱՍՆԱԿՑԵՆ ՄԻԶԱԶԳԱՅԻՆ ՎԱՐՇԱՆՔՆԵՐԻ

Փորձի փոխանակման լավ առիթ աշխարհի փրկարարների համար

Մագետ, թիկունքի ապահովման մեկ մասնագետ: Հայաստանը երկու ներկայացուցիչ կունենա վարժանքի ղեկավար կազմում: Վարժանքի սցենարի համաձայն տեղի է ունեցել ուժեղ երկրաշարժ, փլվել են բազմաթիվ շենքեր, ջրամբարների պատվարներ են վնասվել, թունավոր և վտանգավոր նյութեր տեղափոխող տրանսպորտային միջոցներ են վթարվել: Մոլդովան միջազգային օգնություն է խնդրում: Վարժանքի նպատակն է ստուգել PPRD East ծրագրի մասնակից երկրների փրկարարական կարողությունները: Շեշտը դրվելու է միջազգային համագործակցության վրա, սակայն Մոլդովան հնարավորություն է ունենալու արձանագրել օգնություն խնդրող «հյուրընկալ» երկրի փրկարարներ ընդունելու կարողությունների հնարավոր բացերն ու նախանշել շտկումների ու զարգացումների ուղղությունները:



վարժանքն անցկացվել է Հայաստանում, մասնակցել է 20 երկիր: «Բոսնիա-Շերցոգովինա 2017» դաշտային վարժանքում Հայաստանի պատվիրակության ղեկավարն է ԱԻՆ փրկարար ծառայության բնակչության պաշտպանության և աղետների հետևանքների վերացման կազմակերպման վարչության պետի տեղակալ, փ/ծ գնդապետ Արմեն Մուրադյանը: Ներգրավված են քաղաքային որոնողափրկարարական մեկ թիմ՝ 30 հոգի, քիմիական, կենսաբանական, ճառագայթային, միջուկային մոնիթորինգ իրականացնող վեց մասնագետ, երեք ջրասուզակ: Մենք ներկայացուցիչներ կունենանք վարժանքի ղեկավար կազմում, գնահատողների, դիտորդական խմբերում, միջազգային ուժերի համակարգման կենտրոնում:

Վարժանքի սցենարի համաձայն, Բոսնիա-Շերցոգովինայի հյուսիս-արևելքում հորդառատ անձրևներից վարարում է Սավա գետը, հետո այլ գետեր, ու վտանգվում են ջրամբարներ, ջրհեղեղ է սկսվում վնասելով Տուգլա, Լուկավաչ, Գրաչանիկ քաղաքները, Մոդրիկ լճի մատույցների և լիճը թափվող Սփրեչա գետի երկայնքով տեղակայված գյուղերը: Մոտակա լեռան լանջերի սողանքներն են ակտիվանում, տուժում է 40 շենք և 160 առանձնատուն, այդ թվում դպրոցներ, բուժհաստատություններ, վնասվում է 15 կամուրջ, տասնյակ ճանապարհներ են ավերվում, ջուրը թշուր է հարյուրավոր ընտանի կենդանիներ, տարիանվում է 1500 մարդ, անհետ կորած է 20-ը, առողջապահական հաստատությունները գերբեռնված են, հաստատվել է, որ աղտոտված է խմելու ջուրը, սննդի պակաս է զգացվում, չհաստատված լուրեր կան, որ նախկինում ականապատ և ականազերծված տարածքից ջրի հոսքը չպայթած ականներ է բերել: Երկրի իշխանությունը մտածում է միջազգային օգնություն խնդրելու մասին: Այս աղետից մեկ օր անց գրանցվում է 5 մագնիտուդ ուժգնությամբ երկրաշարժ: 12 վայկյան տևած ցնցումներից զոհվում է 30 մարդ, հանքերից մեկում հանքափորներ են արգելափակվում հողի տակ, վնասվում են հին շենքեր, արդյունաբե-

րական ձեռնարկություններից մեկում թունավոր նյութերի արտանետում է եղել, մեծապես տուժում են հաղորդակցության ուղիներն ու միջոցները: Սեյսմոլոգները չեն բացառում, որ ցնցումներ դեռ էլի կլինեն, ինչից կարող են վնասվել ջրամբարների պատվարները: Երկրի ազգային միջոցները բավարար չեն միջազգային անհասկառ օգնության խնդրանք է տարածվում:

«Աղետների արձագանքման եվրոատլանտյան կենտրոնում» վստահ են, որ միջազգային դաշտային վարժանքները տարբեր երկրների փրկարարների միջև փորձի փոխանակման հիանալի հնարավորություն են: ՆԱՏՕ «Աղետների արձագանքման եվրոատլանտյան կենտրոնը» հիմնադրվել է 1998 թվականին աղետների կառավարման և աղետյալ երկրներին միջազգային օգնություն հասցնելու գործիք է: Հիմնադրման օրվանից մինչ օրս կենտրոնն ավելի քան 60 անգամ արձագանքել է աղետից տուժած երկրների օգնության խնդրանքներին: Այսպիսի մեծամասշտաբ ու բազմազգ վարժանքների ծրագրով նախատեսված են ինչպես տեսական մաս՝ քննարկումներ, այնպես էլ գործնական մաս՝ օրվա լույս և մութ ժամերի համար: Վարժանքի տված դասերը դառնում են ուսուցողական նյութ երկրների քաղաքացիական պաշտպանության համակարգերի և փրկարարական ստորաբաժանումների համար: ■

Արան ԶԱՔԱՐՅԱՆ

Հ.Գ. «Բոսնիա-Շերցոգովինա-2017» և EU MOLDEX 2017 վարժանքներում մեր փրկարարների գրանցած արդյունքների մասին վարժանքներից հետո:

ՕԳՈՍՏՈՍԻ ԽՈՇՈՐ ՀՐԴԵՅՆԵՐԸ

2017 թվականի օգոստոսին ՀՀ ԱԻՆ պետական հրդեհային և տեխնիկական անվտանգության տեսչությունում հաշվառվել է 522 հրդեհ՝ 120 միլիոն դրամի նյութական վնասով, վնասվածք է ստացել 3 մարդ:

- Խոշոր հրդեհներից են.**
1. 1 օգոստոսի, Լոռու մարզ, գյուղ Հաղպատ, «Վ.Ս.ՏորգԱրմի» ընկերության տարածք: Նյութական վնասը՝ 3 000 000 դրամ: Հրդեհի առաջացման պատճառը՝ արևի ճառագայթների ֆոկուսացում:
 - 10 օգոստոսի, Սյունիքի մարզ, քաղաք Ագարակ, «ՄԱԿ» մակնիշի ավտոմեքենա: Նյութական վնասը՝ 57 400 000 դրամ: Հրդեհի առաջացման պատճառը՝ պարզաբանվում է:
 - 12 օգոստոսի, քաղաք Երևան, Սարի թաղի 21 փողոց, թիվ 2ա տուն: Նյութական վնասը՝ 5 000 000 դրամ: Հրդեհի առաջացման պատճառը՝ գազի արտահոսք:
 - 13 օգոստոսի, Արագածոտնի մարզ, գյուղ Բագմաղբյուր, խտրի դեզ և «Զիլ» մակնիշի ավտոմեքենա: Նյութական վնասը՝ 2 800 000 դրամ: Հրդեհի առաջացման պատճառը՝ երեխայի խաղը կրակի հետ:
 - 24 օգոստոսի, Արարատի մարզ, գյուղ Սիս,



Մ.Ապարապետ փողոց, թիվ 1 տուն: Նյութական վնասը՝ 5 000 000 դրամ: Հրդեհի առաջացման պատճառը՝ գազի արտահոսք: ■

Պետական հրդեհային և տեխնիկական անվտանգության տեսչություն

ՄԻԳՐԱՑԻՈՆ ԽՈՒԹԵՐ

ՀՀ միգրացիոն պետական ծառայությունը շուրջ 15 հազար անձի հարցով դիմել է Ռուսաստանի միգրացիոն ծառայությանը՝ նրանց նկատմամբ կիրառվող ՌԴ մուտքի արգելանքը վերացնելու հարցով: «Այդ երկիրը պատժամիջոցներ է սահմանել այն ժամանակ, երբ անձը, որ խախտումներ է թույլ տվել, դուրս է եկել երկրի տարածքից: Երբ 2014-ին սկսվել է այս գործընթացը, շուրջ 3 մլն մարդ հայտնվել է բարդ իրավիճակում», - Ազգային ժողովում ասել է Միգրացիոն պետական ծառայության պետ Գագիկ Եզանյանը: Նա հայտնել է, որ իրենք մոտ 15 հազար քաղաքացու հարցով դիմել են ՌԴ գործընկերներին, 6 հազար ՀՀ քաղաքացիների նկատմամբ պատժամիջոցները վերացվել են: «Մենք



նախ խնդրել ենք, որ ՌԴ-ում գտնվող անձինք, ովքեր նման խնդիր ունեն և վախենում են դուրս գալ երկրից, և եթե նրանց խախտումները փոքր են, նրանց մեղմ վերաբերվեն: Դա նույնպես հարգվել է այս դեպքում 22 հազար անձի նկատմամբ պատժաչափը վերացնելու մասին է», - պարզաբանել է Գագիկ Եզանյանը: ■




Անցած օրեր

1991-1993-ին Արցախյան հակամարտության տարիներին, պարբերաբար հերթապահում էինք Կապանում, հրետակոծությունից բռնկված հրդեհներն էինք մարում: Դրանք այնքան շատ էին, որ Կապանի հրշեջ մեքենաները չէին բավականացնում: Հրդեհաշիջման ժամանակ արկերը մեր գլխավերևում էին թռչում: Տեխնիկան հին էր, փողոկները՝ մաշված, հազիվ էինք կարողանում մարել կրակը:

ՔԱԶԱՐԱՆԻ ՀՓԶ ՀՐԱՄԱՆԱՏԱՐԸ

29 տարի ծառայության մեջ



«24 տարի է՝ ծառայության մեջ եմ՝ որպես հրամանատար, բայց այս տարիներին հազիվ թե 24 օր լինի, որ այս շենքից ներս մտած չլինեմ, ինչպես նաև մատների վրա հաշված դեպքեր կլինեն, որոնց մասնակցած չլինեմ, դա էլ այն դեպքում, երբ բացակայել եմ քաղաքից կամ գործուղումների մեջ եմ եղել»,- մեզ հետ զրույցում անկեղծանում է Քաջարանի ՀՓԶ-ի հրամանատար, փ/ծ փոխգնդապետ Արայիկ Մկրտչյանը: Հրամանատարի մուտքն այս համակարգ լրիվ պատահական ստացվեց: Կարլ Մարքսի անվան պոլիտեխնիկական ինստիտուտի մեքենաշինական ֆակուլտետն ավարտած ինժեներ-մեխանիկը չէր էլ պատկերացնում, որ իր ընտրած մասնագիտությունը թողած կհիմնավորվի մեկ այլ ոլորտում:

1988-ն էր, երբ տեղեկացավ, որ ներքին գործերի նախարարության հրշեջ պահպանության վարչության Քաջարանի թիվ 51 մասնագիտացված հրշեջ մասում մասնագետի կարիք կա. ընդունվեց հակահրդեհային պրոֆիլակտիկայի գծով հրահանգիչ: Երեք տարի հրահանգիչ աշխատելուց հետո նշանակվեց հրշեջ մասի պետի տեղակալ, իսկ 1993-ից արդեն ստանձնեց հրշեջ մասի պետի պաշտոնը, 2003-ից էլ կառուցվածքային փոփոխության արդյունքում վերանշանակվել է Քաջարանի հրշեջ-փրկարարական ջոկատի հրամանատար: «29 տարի է՝ այս շենքի պատերի ներսում եմ օրեր անցնում: Արագ եմ սահել տարիները, չեմ մտածել, որ հիմնովին կհաստատվեմ ջոկատում, բայց այնքան հարազատ դարձավ միջավայրը»,- հետհայացք զգելով անցած-գնացած օրերին՝ հիշում է հրամանատարը: Նոր կադրեր է կրթել ու մաս-

նագիտացրել և մինչև օրս կապի մեջ է նախկին աշխատակիցների հետ: Մասնակցել է 300-ից ավելի հրդեհի մարման և 100-ից ավելի փրկարարական աշխատանքների: Պատմում է, որ առաջին տարիներին հիմնականում հրդեհի վերաբերյալ ահազանգերի հետքերով էին գնում: «1991-1993-ին Արցախյան հակամարտության տարիներին, պարբերաբար հերթապահում էինք Կապանում, հրետակոծությունից բռնկված հրդեհներն էինք մարում: Դրանք այնքան շատ էին, որ Կապանի հրշեջ մեքենաները չէին բավականացնում: Հրդեհաշիջման ժամանակ արկերը մեր գլխավերևում էին թռչում: Տեխնիկան հին էր, փողոկները՝ մաշված, հազիվ էինք կարողանում մարել կրակը»,- հին օրերի դժվարություններն է հիշում Արայիկ Մկրտչյանը: Այդ օրերից շատ բան է փոխվել: Փրկարարներն այսօր արձագան-

բուն են ոչ միայն հրդեհների, այլև ամեն տեսակի կանչերի: Նախկինի համեմատ, այժմ ունեցած գույք-սարքավորումների հագեցվածության շնորհիվ հաջողվում է արագ արձագանքել դեպքերին: Փորձառու հրամանատարն ընդգծում է, որ ամենակարևորը ճիշտ մոտեցումն է, հակառակ դեպքում ընթացքն այլ զարգացում կունենա: Հրամանատարն ուրախությամբ է փաստում, որ ճիշտ գործելու արդյունքում ջոկատի անձնակազմին հաջողվեց մարել մի քանի տարի առաջ Քաջարանի կոմունալ տնտեսական արտադրական վարչության ավտոհավաքակայանում վառելիքի արտահոսքից բռնկված խոշոր հրդեհը և կրակի տարածումը: Խոշոր մի հրդեհ էլ այս տարի է եղել: «Փետրվարի 16-ին Ջանգեզուրի պղնձամոլիբդենային կոմբինատում ավտոհավաքակայանի տարածքում բռնկվին հսկա տարածություն փա-

բայց կարևորում է կարգուկանոնը: Ջոկատում այդպես էլ աշխատում են՝ հետևելով ընդհանուր կանոնին, մեկը մյուսի նկատմամբ հարգանքով և գործի հանդեպ մեծ պատասխանատվությամբ: Փ/ծ փոխգնդապետը հավաստիացնում է ջոկատը մասնագիտական կարողություններով չի զիջում և ոչ մի ջոկատի: Իսկ ընտանիքին շատ ժամանակ հատկացնել չի հաջողվում: Խոստովանում է՝ հազվադեպ է կարողանում ընտանիքի հետ լինել: Այդ ժամանակ էլ միտքը ջոկատի հետ է, թեև գիտե՞ր ՀՓԶ-ում բոլորը գործը լավ գիտեն: Փոխգնդապետը մեկ աղջիկ ու մեկ տղա ունի: Ամին 16 տարեկան է, Ալենը՝ 15: Հրամանատարը կանխատեսում է՝ իր համագետով հպարտացող ու փրկարարի շնչով դաստիարակվող որդին էլ իր ուղին կընտրի: «Երբ ամուսնացա, արդեն այս ջոկատում էի աշխատում: Կինս՝ Մարինե Հարությունյանը, բուժքույր է, երևի ճակատագիր էր, երկուսս էլ մարդկանց փրկության գործով ենք զբաղվում: Մեր երեխաներին էլ մեծացրել ենք հենց այս մտայնությամբ»,- ասում է հրամանատարը, որի երկարամյա աշխատանքի լուռ վկաներն են Աի նախարարներից ստացած պարգևները, տարբեր կազմակերպությունների, քաղաքային ու մարզային իշխանությունների կողմից արժանացրած շնորհակալագրերն ու պատվոգրերը: ■

Մերի ՍՈՂՈՍՆՅԱՆ
Քաջարան-Երևան

Սեպտեմբերի 8-12-ը «Լոռե» փրկարարական ջոկատում անցկացվեց «Կրթական-Էքստրենալ ճամբարի կազմակերպում» SKYE ակումբների մասնակցությամբ: Կապանի տարածքային մասնաճյուղն էր անցնում ուսումնական պատրաստվածություն՝ ցուցաբերելով իր փորձն ու գիտելիքները:

«ԼՈՐԷ»-Ն ՓՈՒՆԱԿՆՅՈՒՄ Է ԻՐ ՓՈՐՁԸ



Մասնակցում էին 24 երիտասարդներ՝ 16-30 տարեկան հիմնականում հմտանալով արտակարգ իրավիճակների վարքականոցների կիրառման մեջ մեր իրականությունում: Բոլոր իրավիճակները, ուսումնական պարամունքները կազմակերպել և իրականացրել են «Լոռե» փրկարարական ջոկատի հրահանգիչները: «Մեծ ակնկալիքներով էին եկել երիտասարդները, կարծում էին, թե բոլոր փորձությունները հեշտությամբ կանցնեն, բայց հասկացան, որ դրա համար գիտելիքներ են պետք, լուրջ պատրաստվածություն ու հմտություն»,- ասում է «Լոռե»-ի հրամանատար Արմեն Առաքելյանը: Նաև պարզաբանում սկսել են ուսուցանել փրկարարական «այբուբենից»՝ հանգույցներ, պարան, պարանի հետ աշխատող գործիքներ. «Ցույց էինք տալիս մեր իրականության մեջ հանդիպող սխալները, երբ գրագետ չեն վարվում, օրինակ՝ պարանային աշխատանքների հետ: Նաև ար-



շավ կազմակերպեցին, սովորեցին արշավային հիմունքներ, ուսապարկ հավաքել, վրաններ տեղադրել: Ունեցան առանձին դասընթացներ, քարտեզագրություն, տեղագրական քարտեզների պատրաստում, գործնական աշխատանք արեցին՝ ազիմուտների տեղադրում և որոշում: Դաշտային պայմաններում զետանցումներ, բարձրադիր վայրերից աշտարակից վայրեցներ, բնական խոչընդոտների հաղթահարում»:

Սեպտեմբերի 11-ին երիտասարդները Ձորագետի վրա զուգահեռ կապված պարաններով են զետանցում կատարել՝ խաղ կազմակերպելով, որպես միջոցառումների վերջաբան: Իսկ երեկոյան հրաժեշտի խարույկ վառել: «Երիտասարդները յուրացնելով հմտությունները՝ իրենք են ուսուցանելու կրտսերներին: Նման ճամբարների կազմակերպումը ևս մեկ հնարավորություն է, որպեսզի հասարակությունը պատրաստ լինի և ճիշտ կողմնորոշվի արտակարգ իրավիճակներում: Այդ նպատակով նրանց տրամադրեցինք՝ ճգնաժամային կառավարման պետական ակադեմիայի և Հայկական կամիր խաչի կողմից հրապարակված գրքեր ու բրոշյուրներ»:

Ֆելիքս ԵՂԻԱՋԱՐՅԱՆ



Արտակարգ ժամանակներ

Աճի մայր եկեղեցու պատին փորագրված արձանագրություն կա, որտեղ ասվում է, որ շնորհիվ Աստծո, Տեր Սարգսի և Աճի մելիք Փախրադի հի առաջնորդությամբ՝ տեղերեցի Մխիթար եպիսկոպոսը, վախենալով երկրաշարժի ավերածություններից (հավանաբար՝ հնարավոր հետևանքները կանխելու համար), արգելում է փողոցում կիրակնօրյա վաճառահանությունը: Վերջում արձանագրված է անեծքի կարճ բանաձև, ըստ որի՝ այդ գիրը ջնջողի վրա կընկնեն քաղաքի մեծ ու փոքր մեղքերը:

Մեր երկրի թվով ամենամեծ՝ 15 հոգուց բաղկացած լեռնափրկարարական ջոկատը, գործում է Քաջարանում և սպասարկում պղնձամուլիբդենային կոմբինատը:

Քաջարանում պղինձ ձուլել են դեռևս բրոնզե դարում. այդ մասին են վկայում քաղաքի տարածքում հայտնաբերված հանքախորշերը, ձուլարանների հետքերը, հանքանյութի թափոնները: Այժմ էլ քաղաքը հայտնի է հանքարդյունաբերական գործունեությամբ, հատկապես ոլորտի հսկայով՝ պղնձամուլիբդենային կոմբինատով, որտեղ աշխատելու համար տարբեր ժամանակներում Քաջարան են տեղափոխվել մարդիկ հանրապետության այլ բնակավայրերից:

Ասատուր Ստեփանյանի ընտանիքը Արարատից է տեղափոխվել Քաջարան, որոշ ժամանակ աշխատել կոմբինատում: «Մերոնք եկան Քաջարան, այնուհետև ծնվեցի ես՝ այս լեռներում, որտեղ էլ մնացի մինչ օրս: Երբ Արարատի ոսկու ֆաբրիկան բացվեց, ծնողներս մեկնեցին Արարատ, նրանց հետ մեկ երկու եղբայրս, իսկ ես մնացի Քաջարանում ապրող տատիկ-պապիկիս մոտ: Տարիներ հետո անցա աշխատանքի լեռնափրկարար ծառայությունում և տևական ժամանակ է՝ այս գործին են», - պատմում է 33 ԱԽ Յատուկ:

ՔԱՋԱՐԱՆԻ ԼԵՌՆԱՓՐԿԱՐԱՐԸ

Լեռնափրկարար ծառայության Քաջարանի ջոկատի լեռնափրկարար, 4-րդ ջոկի հրամանատար Ասատուր Ստեփանյանը: 1998-ից է աշխատանքի անցել ջոկատում, դարձել 15 հոգանոց խմբի անդամներից մեկը, որոշ ժամանակ անց փորձել է այլ ոլորտում հաստատվել, սակայն վերադարձել է և կրկին համալրել ջոկատի շարքերը:

«Աշխատում ենք 4 հերթափոխով: Բաց հանքի վթարների և այլ դեպքերին ենք արձագանքում, հարկ եղած դեպքում տուժածներին առաջին բուժօգնություն ցուցաբերում: Բացի դրանից, ամենօրյա պրոֆիլակտիկ աշխատանքներ ենք իրականացնում, որոշում օդում փոշու առկայությունն ու քանակը, նմուշներ վերցնում: Տարբեր կանչեր ենք ստանում՝ ցավոք մահ մահացու ելքով դեպքեր էլ են գրանցվում», - տեղեկացնում է Ասատուրը և ընդգծում լեռնափրկարարների գործի կարևորությունը մարդկանց փրկության ու արտակարգ դեպքերի կանխարգելման հարցում: Ուրախությամբ է նշում, որ վերջին 4-5 տարիներին մահվան ելքով դժբախտ դեպքեր չեն գրանցվել:



Քաջարանի ջոկատը տեխնիկայի թարմացման, ժամանակակից սարքավորումների կարիք ունի: Այժմ լեռնափրկարարներն աշխատում են խորհրդային տարիներից մնացած հին սարքավորումներով: 3 մուց մնացած ժառանգությունից է մահ արհեստական շնչառության ապարատը, որը թերևս այդպես էլ չի օգտագործվել, այնինչ դրան փոխարինող առավել կատարելագործված հարմարավետ տարբերակներ վաղուց կան:

Լեռնափրկարարների ջոկատը տեղակայված է երկհարկանի շենքում՝ Քաջարանի փրկարարական ջոկատի հարևանությամբ: Այն նորոգվել է 2013-ին Քաջարանի պղնձամուլիբդենային կոմբինատի միջոցներով: Զոկատի կազմը հիմնականում բաղկացած է հին ու փորձառու կադրերից, նոր կադրերը համեմատաբար քիչ են: Բացի ամենօրյա պրոֆիլակտիկ աշխատանքներից, կանչերին արձագանքելուց, ջոկատի տղաների առօրյայի մի մասն են կազմում մահ վարժանքները: «Ֆիզիկական պատրաստվածությունը, մասնագիտական փորձը մեր գործում կարևոր են: Դրանց շնորհիվ է, որ կարողանում են դեպքի վայրում արդյունավետ գործել: Բարեբախտաբար, այս տարիների ընթացքում դեպքերի արձագանքելիս վնասվածքներ չեն ստացել: Իսկ տարիներն այնքան արագ են անցել, երբևէ չեմ պատկերացրել, որ մոտ 20 տարի կաշխատեմ այս ոլորտում: Եկա ու մնացի...»,- անկեղծանում է լեռնափրկարարը, որի համար աշխատանքը կյանք է, ջոկատն էլ իր երկրորդ տունը: «Կամ էլ առաջին տունն է», - կատակում է Ասատուրը, որը դեռևս իր ընտանիքը չի կազմել, մտադրություն ու ցանկություն միշտ ունի: 3ամոգված է լեռներն իր մկիրած տարիները «կփոխհատուցեն» երջանկությամբ: ■

Մերի ՍՈՂՈՍՈՆՅԱՆ
Քաջարան-Երևան

Շարունակում ենք «911. Արտակարգ թերթի» հավատարիմ ընթերցողներին ներկայացնել մեր ընթացիկ հետազոտությունների արդյունքները, որոնք ուշագրավ փաստեր են ի հայտ բերում անցյալի հայտնի և անհայտ երկրաշարժերի վերաբերյալ՝ եսպես լրացնելով մեր գիտելիքները Հայաստանի պատմական երկրաշարժագիտության ոլորտում:


Ստորև ներկայացնում ենք մի հետաքրքիր դրվագ այդ շարքից, որը պատահել է Միջնադարյան Հայաստանի մայրաքաղաք Անիում՝ 12-րդ դարի առաջին կեսին:

Միջնադարյան Հայաստանի մայրաքաղաք Անիի միջնաբերդի և Սմբատաշեն պարիսպների միջև է գտնվում քաղաքի երբեմնի ամենագեղեցիկ կառույցներից մեկը՝ Սուրբ Առաքելոց եկեղեցին իր համալիրով: Եկեղեցական համալիրում չափագրություններ, պեղումներ, ամրակայման աշխատանքներ և մասնակի վերականգնումներ են արվել Անիի հնագիտական արշավախմբի կողմից 1906-1912 թթ. (ղեկավար՝ պրոֆ. Նիկողայոս Մամ) հայ մեծահարուստների դրամական միջոցներով:

Եկեղեցին թվագրվում է 10-րդ դարի վերջ - 11-րդ դարի սկզբով: Ս. Առաքելոցը հնագույն, խաչաձև հորինվածքով եկեղեցի է, որի հյուսիսային և հարավային պատերին 12-13 դարերում կցվել են զավիթներ, իսկ հարավային զավթի հարավային պատին միանավ փոքրիկ մատուռ: Եկեղեցական համալիրի պատերին պահպանվել են ավելի քան 40 հայատառ արձանագրություններ,

ՎԻՄԱԳՐՈՒԹՅՈՒՆ ԵՎ ԵՐԿՐԱՇԱՐԺԵՐ

Աճիում արգելվում է կիրակնօրյա շուկան. զգուշացում երկրաշարժից



Աճիի Սուրբ Առաքելոց եկեղեցու վերականգնությունը՝ ըստ ճարտարապետ Ն. Տոկարսկու:

որոնք մեծամասամբ ունեն իրավական և օրենսդրական նշանակություն:

Ուշագրավ է եկեղեցու հյուսիսային պատին կից 12-րդ դարում կառուցված զավթի արտաքին արևելյան պատի հյուսիսային մասում գտնվող հյուսիսային խորշի երկու կողմերում փորագրված արձանագրությունը, որտեղ ասվում է, որ շնորհիվ Աստծո, Տեր Սարգսի և Անիի մելիք Փախրադի հի առաջնորդությամբ՝ տեղերեցի Մխիթար եպիսկոպոսը, վախենալով երկրաշարժի ավերածություններից (հավանաբար՝ հնարավոր հետևանքները կանխելու համար), արգելում է փողոցում կիրակնօրյա վաճառահանությունը: Վերջում արձանագրված է անեծքի կարճ բանաձև, ըստ որի՝ այդ

գիրը ջնջողի վրա կընկնեն քաղաքի մեծ ու փոքր մեղքերը:

Հայտնի է, որ Սուրբ Առաքելոց եկեղեցական համալիրը հավաքատեղի է եղել քաղաքի հոգևոր և հասարակական գործիչների համար, ովքեր հրապարակայնացրել են տարբեր օրենքներ ու կանոններ, կարևորները փորագրել վանական պատերին:

Վաճառաշատ Աճի մայրաքաղաքում կային ինչպես քաղաքային, այնպես էլ մասնագիտացված և կիրակնօրյա շուկաներ, կազմակերպվում էին մահ սեզոնային տոնավաճառներ: Հատուկ առանձնացված շուկաներում և հրապարակներում կազմակերպվող տոնավաճառներից բացի քաղաքում զարգացած էր մահ փողոցային առևտուրը:



Սուրբ Առաքելոց եկեղեցու հյուսիսային զավթի ընդհանուր տեսքն այսօր

ԷԼՂ
ԱՆԻՆ
ՇՆՈՐՀԻՆԱՅ ԱՔԻՍԵՅԱՌՈՍ ՍԱՐԳՍԻԵՒՄԵ ՐԱԴԻՆԵՍՄԻ ՄԵՂԵՐԵՅԻՅԱ ԻԱՒՈՒՐԲԱՐԿ ԿԵՎԱՃԱՌՆ ԱՅՍԳՐԻՒՄԱԿ ՄԵԾՈՒԷՓՈՔԻ

ՏԵՐՈՒՁԵՔԱԼՂ ՋՆՈՐԴՈՒՁԻՐ ԼԻՔՈՒՁԵՓԱԽ ԻՅԱՐԵՊԻՍԿ ՍՄԱՆԵՇԱՐՔ ՁԱՔԶԿԻՐ ԻՓՈՂՈՅԵՈՒ ԼՈՒԱԿԱՅՁ ԲԱՂԱՔԻՍՄ ՂԱՅՆԱՐԻ

Առաքելոց եկեղեցու շուրջ կիրակնօրյա վաճառահանության արգելքի մասին վիճազիրը

Խիտ կառուցապատված մեղ փողոցներով Աճիում, հավանա-

բար, պահպանված չէին սեսյանի անվտանգության նորմերը:

Թերևս, այդ էր պատճառը, որ քաղաքային իշխանությունը հատուկ հրամանով արգելում է քաղաքի այդ հատվածում փողոցային առևտուրը և տեսանելի վայրում այդ մասին արձանագրություն փակցնում: Կարծում ենք, որ այս իրադարձությունները կապ ունեն ձեռագիր մի հիշատակարանից հայտնի՝ 1131 թ. Աճիում տեղի ունեցած ուժեղ երկրաշարժի, հաճախակի կրկնված մասնագնացումների կամ հետցնցումների հետ, որոնք նյութական, գույցե մահ մարդկային կորուստների պատճառ են դարձել: ■

Ավետիս ԳՐԻԳՈՐՅԱՆ
ՀՀ ԱԽ ՍՊԱՌԾԸ ԲՏԱԿ
առաջին կարգի մասնագետ



Մտածեք այս ճախին

Արժեք ունեն միայն այն մտքերը, որոնցով մենք ապրում ենք:

ՀԵՐԱՆ ՀԵՍՏԵ

Օգնում են փրկարարները

Գումարը՝ խաղատան տանհիքին

Անցած յոթ օրում 33 արտակարգ իրավիճակների նախարարության փրկարար ծառայության ստորաբաժանումները արտակարգ իրավիճակների վերաբերյալ մոտ 600 ահազանգի են արձագանքել: Շատ դեպքերում փրկարարները դեպքի վայր մեկնելուն զուգահեռ տեղեկությունը փոխանցել են այլ ծառայության. շտապօգնություն, «Վեոլիա Ջուր», էլցանց, գազի վթարային ծառայություն, կանաչապատման, սանամքրման ծառայություն, ոստիկանություն և այլն:

Գրանցվել է ավելի քան 200 հրդեհ. այրվել են տան գույք, շինությունների փայտյա կառուցատարրեր, շինանյութ, անասնակեր, բուսածածկ տարածքներ, ջերմահարվել են պողատու և դեկորատիվ ծառեր: Հրդեհների մեծ մասը բուսածածկ տարածքներում է գրանցվել. Արագածոտն. Տեղեր գյուղում 10 հա, Արարատ. Լանջանիստ գյուղում 18 հա, Լուսաշող գյուղում 13 հա, Գեղարքունիք. Դոմաշեն-Ճաղկունք՝ ավտոճանապարհի մատույցներում 30 հա, Վերին Գետաշեն-Մաղինա ավտոճանապարհի մատույցներում 10 հա, Լոռի. Ծաղկաբեր գյուղում 50 հա, Վարդաբլուր գյուղում 20 հա, Կոտայք. Ջրաբեր գյուղում 49 հա, Մեղրածոր գյուղում 80 հա, Շիրակ. Ջաջուռ գյուղում 50 հա, Սյունիք. Նորավան գյուղում 10 հա, Տավուշ. Բարեկամավան գյուղում 5 հա և այլն: Շիրակի մարզի Ձորաշեն գյուղի մոտակա սարի վրա խոտածածկ տարածքի հրդեհը մեծ ծակերես է ունեցել, և հրդեհաշիջմանը մասնակցել է ավելի քան 100 փրկարար, Հայաստանի զինված ուժերի 36 զինծառայող, 4 ոստիկան, անտառտնտեսության 5 աշխատակից, հարակից գյուղերի 26 բնակիչ:

Փակ դուռ բացելու վերաբերյալ էլ 130 կանչ է ստացվել: Վատառողջ, ծանրաքաշ, սակավաշարժ քաղաքացու բնակարանից իջեցնելու կամ բնակարանում տեղից տեղ տեղափոխելու կանչեր են սպասարկել Երևանի Ավան, Դավթաշեն, Մալաթիա-Սեբաստիա, Նոր Նորք, Շենգավիթ վարչական շրջանների և Կոտայքի ու Լոռու փրկարարները: Տարբեր վայրերում արգելափակված (դիտահոր, վերելակի հորան, նկուղ, շենքի օդատար-ծխատար, մեքենայի շարժիչ տակ և այլն) մի շարք կենդանիներ են ազատվել: 15 օձ է հայտնաբերվել և տեղափոխ-



վել անվտանգ տարածք: Գետերի և ջրամբարների ափերին արգելափակված մեքենաներն են դուրս բերվել երթևեկելի հատված:

Այլ կանչեր. Նոր Նորքի փրկարարները կեսգիշերին մոտ ահազանգ են ստացել, թե Բակունցի փողոցի տներից մեկի բնակչի մատին մատանի է մնացել: Փրկարարները 33-ամյա աղջկա մատից հանել են մատանին: Արաբկիրի փրկարարները ահազանգ են ստացել, թե Հովսեփի եմին փողոցի պոլիկլինիկայի շենքի բակում տեղադրված սյան վրայի 33 պետական դրոշմ փոխելու համար անհրաժեշտ է փրկարարների օգնությունը: Հրշեջ-փրկարարները փոխել են դրոշմը: Նույն վարչական շրջանում ահազանգ է ստացվել, թե Հրաչյա Քոչար փողոցի շենքերից մեկի բնակիչներից մեկի գումարն ընկել է շենքի ներքևի հարկում գտնվող խաղատանի տանհիքին, գումարը վերցնելու համար անհրաժեշտ է փրկարարների օգնությունը: Հրշեջ-փրկարարները վերցրել են գումարը և փոխանցել տիրոջը: Գեղարքունիքի փրկարարներն ահազանգ են ստացել, թե Գավառ քաղաքի մատույցներում Սուրբ Խաչ կոչվող սարավանջին քաղաքացու ինքնազգացողությունը վատացել է, ճանապարհի դժվարանցանելիության պատճառով շտապօգնության աշխատակիցները չեն կարողանում մոտենալ տուժածին. անհրաժեշտ է փրկարարների օգնությունը: Հրշեջ-փրկարարները շտապօգնության աշխատակիցներին, ովքեր 83-ամյա կնոջը տեղում ցուցաբերել են առաջին բուժօգնություն: Նույն մարզում փրկարարները Նորատուս գյուղում ջրավազանից հանել և տիրոջն են վերադարձրել ձին: ■

Թռչկանի ջրվեժում

Սպիտակի հրշեջ-փրկարարական ջրկատի տղաները հրամանատար, փ/ծ փոխգնդապետ Սերոբ Գաբրիելյանի նախաձեռնությամբ, ջրկատի միջոցներով ու ջանքերով Թռչկան հանգստի գոտում զրուցարան, խաղահրապարակ են կառուցել ու հուշաքար տեղադրել՝ «911. Սպի-

հանոզվեմ, որ փրկարարները հոգում են բնակիչների բարեկեցության մասին»,- պարզաբանում է հրամանատար-փոխգնդապետը:

Հիշեցնենք, սա առաջին հուշաքարը է, որ տեղադրել են փրկարարները: Նրանց ջանքերով 2012-ին Սպիտակում կանգ-



տակի փրկարարների կողմից փրկարարի օրվա առիթով՝ փորագրությամբ: «Հուշաքարը հիշեցնելու է «911» ծառայության հեռախոսահամարը: Թռչկանում տեղադրել ենք նաև կարուսել, տաղավար խորոված պատրաստելու մանդալով, որ մարդիկ լիարժեք վայելեն իրենց հանգիստը և

նեցվեց ճապոնական Ֆուկուշիմայի ցունամիի զոհերի հիշատակը խորհրդանշող հուշաքար: Ամեն տարի հիշատակի այդ օրը ճապոնիայի դեսպանատնից, նաև ամենամեր դեսպանը, այցելում են հուշաքարին իրենց խոնարհումը բերելով անմեղ զոհերին և երախտագիտություն հայտնում Սպիտակի փրկարարներին: Հուշաքար է տեղադրվել նաև քաղաքի հրշեջ մասուն ի հիշատակ 1988-ի երկրաշարժից զոհված հրշեջների:

Ֆելիքս ԵՂԻԱՋԱՐՅԱՆ

Ինձացիր և օգնիր

ԱՆԱԳԻՆ ՕԳՆՈՒԹՅՈՒՆ

Բարձր ջերմաստիճաններ, ջերմային ցնցումներ

Ջերմային ցնցումները կմախքային մկանների ցավոտ կծկումներն են, որոնք սովորաբար առաջանում են շոգ պայմաններում ֆիզիկական աշխատանք կատարելիս: Ջերմային ցնցումներ ավելի հաճախ հանդիպում են մարզիկների մոտ: Ավելի հաճախ ջերմային ցնցման են ենթարկվում ոտքերի, որովայնի, ձեռքերի մկանները: Տաք կամ նույնիսկ նորմալ ջերմաստիճանի պայմաններում ֆիզիկական մեծ ծանրաբեռնվածության դեպքում մկանային աշխատանքը բերում է մեծ քանակով ջերմության արտադրման, որի հետևանքով ուժեղանում է քրտնարտադրությունը: Տուժածի մարմնի ջերմաստիճանը չի փոխվում: Ժամանակին ցուցաբերված առաջին



օգնության դեպքում ջերմային ցնցումները լուրջ խնդիր չեն ներկայացնում: Ջերմային ցնցման դեպքում խորհուրդ տվեք տուժածին դադարեցնել ֆիզիկական աշխատանքը, նույնիսկ եթե ցնցումները դադարել են: Ջզուշորեն ձգեք և նուրբ մերսեք ցնցվող մկանը: Տեղափոխեք տուժածին հով, ստվերոտ վայր: Տուժածին տվեք հանքային ջրեր, սառը հյութեր: ■

